

AD OPERA

B. RABANI MAURI

PROLEGOMENA.

B. RABANI MAURI ELOGIUM HISTORICUM AUCTORE MABILLONIO.

CAPUT PRIMUM.

Rabani nomina, patria, parentes, nativitatis tempus.

A. RABANUS, patro nomine sic dictus, aliud nomen MAURUS accepit ab Alcuino praeceptore suo, uti ipse in prefatione commentariis Regum praesixa testis est, ubi ait se in iis locis quæ per se exponit, ad marginem & prænotasse M litteram, Mauri nomen exprimentem : quod magister, inquit, meus beatæ memorie Albinus milii indidit. » Nimirum isto aëno mos invaluerat apud litteratos viros in his partibus degentes, ut præter gentilitium nomen, quod plerumque sono duriuscum erat, aliud a Latinis aut Græcis, rarius ab Hebreis asciscerent, politioris sermonis lenitatem affectantes. Hinc sancto Frichorio *Hadrianus*; Biscopo cognomen, id est alterum nomen *Benedictus*; Willibordo *Clemens*; Winfrido *Bonifacius*; Arnoni Saltzburgensi episcopo *Aquila*; Alcuino *Albinus Flaccus*; Carolo Magno *David*; Angelberto *Homerus*; Riculfo *Dumæta*; Adalhardo *Antonius*; Wala *Arsenius*, et *Hieremias*; Ratherto *Pachasius*; Warino Corbeiae Novæ abbati *Placidius*; aliis alia vocabula supposita sunt. Hariulsi chronographi Centulensis de sancto Fricho io agentis notanda sunt verba in lib. 1, cap. 6 : « Alterius nomen, eo quod rictu lingua barbaræ ineptum visum est, a prioribus mutatum vocatur, et scribitur *Hadrianus*. » Adeo vero lenitatem hanc sectabantur illius temporis homines, ut ejusmodi popularia nonna, quasi barbara, pronuntiare sere non audent, nisi petita venia lectorum. Huc spectat Servatus *Lupus* in prefatione ad librum de Vita sancti Wigberti abbatis : « Id autem a periti benevolentia lectoris obtinuerim, ut sicubi Latini sermonis lenitas hominum locorumve Germanicæ linguae vernacularis asperatur, modice ferat, ac meminerit non carmen me scribere, ubi poetica licentia nonnunquam nomina mululantur, atque ad sonoritatem Romanidi riguntur eloquii, vel penitus immutantur, sed historiam quæ se obscurari colorum obliquitatibus renumit. » Haec igitur causa est ob quam Alcuinus Rabano cognomentum seu alterum nomen imposuit Mauro, quo nomine eum salutare solet in epistolis

A et poematiis ad illum scriptis. Qui sic duplice nomine affecti erant, alterutrum duntaxat seorsim usurpabant, raro utrumque simul; idque aliis etiam observare mos erat; tametsi in epistola Humberti Wirtziburgensis episcopi ad Rabanum, Commentariis in Judicum et Ruth libros premissam lego hanc inscriptionem : *Illustri viro meritoque insigni ac præstantissimo Patri HRabanu Mauro Humber-tus*, quæ nominum conjunctio itidem in Lotharii imperatoris epistola expositioni Ezechielis præposita invenitur. Denique agnomen suum *HRabanus* vocat in prefatione ad Matthæi Evangelium. Johannes Trithemius Rabanum passim cognominat *Magnentium* a Magnentiana familia, ex qua eum processisse creditit. Ex vetustis scriptoribus nullus B (quem sciam) hoc cognomen Rabano tribuit ante Ademarum Ecolismensem monachum in Chronicis ab annis sexcentis exarato, et Siegbertum ei supparem in lib. de Scriptoribus ecclesiasticis, cap. 89, ubi Rabanus, alio nomine *Maurus sive Magnen-tius* appellatur. HRabanus, qui aliis Rabanus et Rhabanus ita nomen suum pingere amat cum aspirata prævia, ut *HLudovicus*, *HLotharius*, pro more illius ætatis.

B. Rabano patriam alii, aliam pro studio quisque suo adsingunt, hi Angliam, Scotiam isti. Non vacat resellere istas nugas. Francum eum fuisse, id est in Francia orientali ortum, constat; non quidem Fulda, sed Magontiæ. Audi Rabanum ipsum in Alcuini persona libros de Cruce suos offerentem papæ, C et sic de se loquentem :

Ipse quidem Francus genere est, atque incola silvæ Bochoniæ, etc.

Fulda quippe, quod oppidum in Bochonia situm est, monachus erat : non tamen eo loci natus, sed in urbe Magontia, ut ipse canit in epitaphio suo :

Urbe quidem hac genitus sum, ac sacro fonte renatus :
In Fulda post hæc dogma sacrum didici.

Nec audiendi sunt qui interpunctionem post vocabu-lum in Fulda locant. Rabanus enim sepulturam suam designaverat Magontiæ in monasterio Sancti Albani, ac proinde verba illa, *Urbe quidem hac geni-*

tus sum, de Magontia explicare oportet, et quidem sic explicavit vetus quidam *Anonymous*, cuius sententiam referemus infra num. 39.

3. Rabano parentes, « Ruthardum Magnentiana familiā satum, virum divitem et potentem, qui multo tempore sub Francorum principibus strenue militaverit; et Aldegundem honestissimā conversationis mulierem, » tribuit Joannes Trithemius. Sed qui lapsus est in loco nativitatis ejus designando, vereor ut ei tute credatur de nominibus et dignitate parentum, quoru[m] nulla mentio apud antiquos. Verumtamen certum est Rabanum illustri genere ortum fuisse, ut qui fratrem habuit Tutinum, virum cum primis nobilem, testante Rabano in ejus epitaphio; et nepotem Gundramnum Levitam, cellāe Sancti Soli praepositum, et Ludovici Germaniae regis cancellanum. Tutini epitaphium ejusmodi est :

Hic jacet insignis vir nomine Tutin humatus,
Com[lens] communem sorte vocante die[m].
Alta claroni qui natus stirpe parentum,
More omni proceres æquiparavit avos.
Ingenio, probitate, fide, verbiisque decore,
Inter regales viri honore viros.
Quem jurenem mediis cecidisse viriliter armis,
Efficit domini gratia magna sui.
Frater pontificis fuit ille celerrimus armis
Qui buc germani detulit ossa sui.
Flecte genu palmasque leva, bone lector, et orans
Dic precor, ambobus propitiare Deus.

Nam ut id de Rabano pontifice, non de alio interpres, facit, quod pontificem non nominat, et quod pro *ambobus* germanis postulat preces. Quod si cui non satis exploratum videatur, saltem concedat necesse est Gundramnum, virum palatinum, Rabani fuisse nepotem. Hujus rei certum habemus auctorem, non solum Ermanricum ejus æqualem in libro de gestis sancti Soli, sed etiam Gundramnum ipsum, qui ut Ermanricum ad scribendam Soli Vitam adduceret, *domini abbatis, patrui*, inquit, *mei, licentiam* desert. Quis iste abbas fuerit, declarat Ermanricus in dicta Vita cap. 6, nimurum Fuldensis monasterii : « ubi Deo providente modo sanctissimus ac in omni arte peritissimus dominus abba Rabanus perspicaciter fulget. Gundramnum diaconum charissimum suum cellulæ Sancti Soli aeditum ac regis cancellanum » Ermanricus ita loquentem inducit cap. 10 : « Ego namque, frater charissime, imperante domino meo rege, ex obedientia patrui ac domini mei charissimi et fratrū ejus qui cum eo cœnobialiter vivunt, hic sum, ut cernis, in arctissimum et sterilem locum deputatus minister. » Id de nullo alio intelligi potest quam de Rabano abbatे Fuldensis monasterii, a quo pendebat cella Sancti Soli. Pergit dicere Gundramnus : « Ad hæc et hoc mentem sxipusculē movet, quid in me boni dominus rex potuisset nancisci, quod servitium meum dignatus est appetere, vel cur voluisset me a quietissima cœnobii vita, quamvis hactenus non ligatum, in ea educere, et in hæc asperrima montium juga struere. » Nimurum prope cellam Sancti Soli villa seu dominus regia erat, ut patet ex consequentibus Gundramni verbis, cui villa præfectus erat

A Gundramnus, qui et ingemiscit se vi de monasterio fuisse ablatum, « et in palatinorum numero nuncupatum. » Alius porro mihi videtur Gundramnus iste a Gundramno, cuius, uti et Odrudis ejus uxoris, epitaphium texuit Rabanus, cum primus Levita fuerit, alter conjugatus. Hæc de Rabani parentibus, quos claros fuisse ex jam dictis manifestum est.

4. Natalitium ejus diem et annum asseverantius definit Trithemius « quarto nonas Februarii, anno septingentesimo octogesimo octavo. » Diem nescio unde accepit, annum propter prope attigit. Rabanus ad diaconatus gradum promotus est anno Christi octingentesimo primo, ut inferius ostendam. Si Ecclesiæ veteres leges ac regulas hac in re servavit, tunc natus erat annos minimum viginti quinque.

B Hanc enim ætatem exigunt prisci canones, nisi dispensatio accessisset. Ergo in lucem editus est Rabanus anno fere 776. Certe libros duos de laudibus sancte crucis scribere aggressus est ante annum 810, ubi sex lustra, id est triginta annos, implevit.

CAPUT II.

Monastica professio et diaconatus, studia sub Alcuino, condiscipuli.

5. « Fulda monachus a puerō fuit, » teste *Anonymous* inferius adducendo, id quod etiam satis indicat in suo ipsius epitaphio, ubi consequenter post acceptum baptismum se Fulda *dogma sacrum*, id est vitæ Christianæ et monasticæ leges didicisse affirmat. In perpetuosis Annalibus Fuldensis, qui in anno 4 imperii Ludovici Pii desinunt, apud Lambeum in tomo II Cesareæ Bibliothecæ, *Raban diaconus factus* memoratur anno 53 regni Caroli Magni, id est anno Christi 801.

6. Adolescentem jam, et litteris utcunque imbutuim Ratgarius Fuldensis abbas ab anno 811 in annos sexdecim, « Rabanum una cum Hattone Turonis direxit ad Albinum magistrum gratia liberales discendi artes, » ut ex perpetuosto codice Fuldensi refert Browerus in notis ad Rabani poema 13. Ratgarus id acceptum referre videtur ipse Rabanus in dicto poemate, in quo aliqui versus hoc loco veniunt observandi.

Jam mihi concessit bonitas tua discere libros :
Sed me paupertas suff. est ingenui.
Me quia quæcumque docuerunt ore magistri,
Ne vagis mens perdat, cuncta dedi soliti.

D Hinc Albinum seu Alcuinum præceptorem suum in carmine literis de sancta Cruce præfixo inducit, pro se ita sancto Martino supplicantem :

Sancte Dei presul, meritis in saecula vivens,
Causam quam ferimus, suscipe mente pia.
Nempe ego cum fueram custos humiliisque minister
Istius ecclesæ, dogmata sacra legens :
Hunc puerum docui divina famine verbis
Ethicae monitis et sophia studiis.
Ipse quidem Francus genere est, atque incola silvæ
B conie, hic missus discere verba Dei.
Abbas nam ju[m] suus, Fuldensis rector ovilis,
Illi[us] hoc direxit ad tua tecta, Pater:
Quo mecum legeret metri scholasticus artem,
Scripturam et sacram rite pararet ovans.

Illi[us] versibus deceptus est Trithemius et alii, ut dicerent, Rabanum Alcuino præceptore litteris ope-

ram deditis Romæ; rati hoc carmen, quod sancto Martino Turonensi antistiti dirigitur, intelligendum esse de pontifice Romano, deque Romana Ecclesia, in qua litteras professus sit Alcuinus.

7. Studiorum socios in Turonensi academia Rabanus habuit Hattonem ex dictis, ejus postea in abbatiali dignitate successorem; et Hemmonem seu Haimonem, dein episcopum Halberstatensem; id enim colligitur ex præfatione operis de Universo Hemmoni dicati in hæc verba: « Memor sum boni studii tui, sancte Pater, quod habuisti in puerili atque juvenili ætate in litterarum exercitio et sacramentum litterarum meditatione, quando mecum legebas non solum divinos libros et sanctorum Patrum super eos expositiones, sed etiam hujus mundi sapientium de rerum naturis solertes inquisitiones, quas in liberalium artium descriptione et cæterarum rerum investigatione composuerunt. » Sodalem etiam habuit Samuelem, ut patebit ex num. 10. De aliis ejus sociis hariolari non lubet.

CAPUT III.

Fuldensis scholæ regimen, celebritas, alii præceptores, Rabani discipuli, et successor in docendo.

8. Turonis reversus, Fuldensibus præfector est scholis Ratgario abbate, qui parum æquus in litteras ac litteratos fuit. Istam provinciam in se suscepit Rabanus, vivente etiam tunc Alcuino, qui in epistola 55, *benedictio sancti Benedicti pueru Mauro*, id est Rabano, inscripta, cum *valere feliciter cum pueris suis* jubet. Itaque si Rabanus a Ratgario abbate, quem anno 802 Fulda regnum iniisse constat, ad Alcuini scholam missus est; si etiam Alcuinus anno 804, mense Malo, vivere desiit, Rabanus exiguo tempore Turonis Alcuinum præceptorem auscultavit.

9. Rabano litteras profidente, magna fuit celebritas Fuldensis academiæ, quæ omnium disciplinarum libris tum abundavit, et præclaros orbi Christiano doctores peperit. Quam ampla fuerit bibliothecæ Fuldensis supplex, docet nos Rabanus in carmine 16, ad Gerhohum presbyterum, cui commissa erat, quem illicet *clavipotentem fratrem* appellat:

Dicere quid possum de magna laude librorum,
Quos sub clave tenes, frater amate, tua?
Quidquid ab arte Deus coeli direxit in o. bim
Scripturaræ sanctæ per pia verba viris;
Hic invenies, quidquid sapientia mundi
Protulit in mundum temporibus variis.

10. Non solus tamen in istis scholis docebat Rabanus, tametsi præcipuus magister erat. Adjutorem sodalemque habuit Samuelem, postea Wormatiensem episcopum, quem etiam sub Alcuino præceptore condiscipulum habuerat. Utrumque constat ex carmine 21:

Quondam namque meum gaudebam te esse sòdalem
Iuter lectores, frater amate, mihi.
Nunc quoque te gratulor retinere jura magistri
Crescere virtute, patris habere locum.

Quibus versibus significat Samuelem secum aliquando gessisse magistri seu lectoris officium, quod episcopus creatus retinebat. Addit post duos versus, eidem etiam communem præceptorem fuisse Albinum.

A Quod quoniam docuit Albinus i.e. magister.
Hoc pectus teneat, hoc opus omne probet.

Cum Fuldensibus scholis præcesset Rabanus, Gildas IIibernus ipsius rogatu librum de Computo capitulis 99 edidit, eideisque nuncupavit. Nuncupatorium epistolam ex Cottoniana bibliotheca vulgavit inter IIbernicas Usserius. Ea in epistola operis argumentum Gildas explicat, gratias agens Deo, « qui tibi, inquit, ejus amorem inspiravit, teque reddit suo fulgore decoratum, et proximis tuis profectuosum. »

11. Discipulos habuit permultos, in his Walafridum Strabum, Servatum Lupum, Rudolfum, sequentis Vitæ scriptorem, et Otfridum, de quibus pauca hic adnotanda. Walafridus Strabus, qui postea fuit Augæ abbas, se ipse inter Rabani discipulos adnumerat in carmine scripto *ad HRabanum magistrum suum*. Lupus in epistola 4 scribit se ab Aldrico metropolitano suo directum fuisse « ad venerabilem HRabanum, ut ab eo ingressum caperet divinarum Scripturarum. » Eadem *reverentissimo Patri eximioque præceptoris* suo inscribit epistolam 40, qui vicissim Lupo post ejus ab se discessum dedicavit Colleccarium in Epistolas Pauli. Rudolfus Rabanum itidem *præceptorem ac magistrum suum* vocat in sequent. Vita. Otfridus vero presbyter et monachus Wissenburgensis apud Spiram Nemetum, in epistola Liudberto Magantino archiepiscopo scripta pro translatione ab se facta evangeliorum in linguam Theotisticam, « Hunc igitur librum, inquit, vestræ sagaci prudentiae probandum curavi transmittere: et quia a Rabano venerandæ memoriæ, digno vestræ sedis quondam præsule, educata mea parvitas est, præsulatus vestri dignitati sapientiaeque commendare curavi. »

12. Abbas factus vir sanctus curam docendi liberales artes aliis commisit, reservato sibi officio interpretandi Scripturas sacras; nam ad eum jam abbatem missus est Lupus, ut ab eo præludia istius disciplinæ disseret ex dictis. Eo abbe humaniores litteras scholaribus tradidit Candidus monachus, cujus hæc verba sunt initio libelli quem de Vita Egilis abbatis composuit: « De cætero quoque notum facio tuæ charitati quod anno præterito dominus abbas HRabanus, cum illi querebar quia non haberem quemquam mecum consociorum cum quo in divina lectio-

D ne disputando et legendo proficere potuisse, tale inibi responsum referebat: *Exerce, inquit, temet ipsum legendo, et aliquid utilitatis adde dictando. Nam dum ego ibidem, ubi nunc ipse moraris, commandem, librum prosa et versibus in laudem sanctæ crucis divina gratia inspirante incœpi.* » Atqui istud opus aggressus est Rabanus, dum humaniores disciplinas doceret in schola monasterii, in qua proinde Candidus tum, cum Egilis Vitam scribebat, præceptoris obtinebat officium.

CAPUT IV.

Sacerdotium, rexatio, iter Jerosolymitanum.

13. Ordinis sacerdotalis gradum suscepit ab Hailstuso archiepiscopo Moguntino, quod ipse testatur

in epistola ad eumdem Haistulfum initio librorum de Institutione clericorum, in haec verba : « Tu enīa magisterio super me libens subdam, a quo recordor me accepisse dignitatem ecclesiasticam, » id est sacerdotalem ordinationem. Scribebat hanc epistolam Rabanus anno 819, signato in versibus Haistulfo inscriptis in limine istorum librorum, quo anno facta est Fuldensis basilice dedicatio, cui Rabanus interfuit jam presbyter, teste Candido in Vita sancti Eigelis. Atqui Haistulfus sedem Mogontiacensem anno 813 innisse dicitur apud Serarium, ac proinde eodem fere anno ordinatus ab eo est Rabanus. Certe verbum *recordor*, quo usus est in precitata epistola, anno 819 (ut dixi) Haistulfo directa, satis innuit jam aliquantum effluxisse temporis a sua ordinatione. Postea quam haec observaveram, B incidit in manus meas tomus secundus Bibliothecæ Lambecianæ, in quo veterissimi habentur Fuldenses Annales jam laudati, ubi de Rabani sacerdotio haec lego : *Anno 1 Ludovici Pii Rabani ordinatur ad presbyterum x Kal. Januarii ab Heistulfo archiepiscopo Mogontiacensi.* Ergo anno 814 desinente, quo proinde anno Haistulfus ecclesia Mogontiacensi jam praesidebat.

44. Inter ea motus et simultates excitantur in monasterio Fuldensi : dira pestis, qua non semel afflita est illa congregatio, primum quidem Sturmio abbate, tum etiam (ut coniicio) regente Baugulfo, qui ob id regimine cessisse videtur : dein sub Ratgario, qui jussu Ludovici Augusti abjectus est; ac demum item sub Rabano, quem monachorum suorum factio C abbatiae nuntium remittere coegit. Sturmius, jubente Pippino, in exsilium missus est ad magnum conobium, quod dicitur Unnedica, ut in ipsius Vita legit̄. Browerus, primus Vitae editor, suspectam habuit vocem *Unnedica*, ubi V. C. Hadrianus Valesius legendum patat *Gemedico*, *Juniēge*, quod *Gemedicum*, *Gematicum*, et *Gimeticum* vocant, situm in pago Rothomagensi ad Sequanam. Certe proelvis est mutatio littere *G* in *V* apud Teutones et Francos : adeo ut pro *Gimedico* scriptum sit in Sturmii Actis *Vimedico*, enjus loco Browerus legerit *Unnedico*. Itaque Sturmii exsilio locum esse Gematicum indubitanter existimem. Et quidem iniqua fuit in Sturmium et Rabanum commotio monachorum ; in Ratgarium vero justa, moderata et necessaria. Ratgarius quippe ubi D primum iniit pastoralem curam, mox totum fere monasterii discipline Fuldensis statum pervertit, aliorum monasteriorum, nedum sui, mores reprehendens, et quasi regulariter non viverent. Monachos suos rebus necessariis spoliatos ad laborem manuum assiduum adigebat, abrogatis solitis preciliis, frequenti missarum celebratione, et festis diebus non paucis. Hinc querela apud Carolum Magnum deposita a monachis, quorum supplicem hac de re libellum retuli post Vitam sancti Eigelis abbatis Fuldensis. Caroli jussu repressa Ratgarii severitas, eo mortuo rursus fervore, ad laborem plus quam

^a Vide Patrologie tom. CV.

A servilem suos adigere, eisque libros et studiorum usus interdicere. Hi precibus primum apud ipsum rem agunt, ad genna procumbentes supplicant ut mitius cum eis agatur. Rabanus ipse, cui librorum parva supplex adempta fuerat, durum et ferocem abbatis animum delinire tentat his versibus.

Te, Pater alme, virum, monachorum atque optime pastor,
Iavoco propitium ipse tuus famulus :
Ut tua nunc pietas miserum me exaudiatur alma,
Ad te clamantem, rector utique pius.
Jam mihi concessit bonitas tua discere libros :
Sed me paupertas sufficit ingenii.
Me quia quæcumque docerunt ore magistri,
Ne vaga mens perdat, cuncta dedi foliis.
Hinc quoque nunc constant glosse, parvique libelli,
Quos precor indigno reddere precipias.
Servi quidquid habent, dominorum iure tenet: r.
Sic ego quæ scripsi, omnia iure tenes.
Nec mihi cui propriis petulans haec vindicto scripta :
Defero sed vestro omnia iudicio.
Seu mihi haec tribuas, seu non ; tamen Omnipotens
Divinitas semper det tibi cuncta bona :
Certamente bonum cursu consummet honesto,
Cum Christo ut maneas semper in arce poli.

Movisset ferreum pectus tam justi tanique modesta oratio : at saxo cantum est. Hinc malum ingens, secessio et exsilia monachorum, et solitudo in solitudine ipsa. Lugubrem hunc Fulda statum patheticus describit Rabanus in carmine 50, ad quendam Fuldensem monachum exultantem ; quod non ab re erit hoc referre, ut pastores demum intelligent, quantum malum pariat immoderata severitas.

Currens charta procul nuntia porta
Dilecta gravis munera Fratri,
Quæ infasta tulerat temporis hora.
Quen duum eripiuit sorte nefanda
Sons, frans atque do or, et labor ingens
Longas comitul-rat quarere terras
Pars ablata fuit, parsque remansit :
Cum divisor homo (rōb dolor !) unus
Est votu atque anima corpore binu.
Postquam tu unumnis, frater, abiisti,
Ast mox per variis locis ubique
Sum casus, odiis læsus et atris.
Sed nunc... doleo pectora tristi
Malum posse malum, heu ! generale,
Quam soli mibimet concilere damnum.
Ex quo sedatio no-tia dudum
Inter nos orta est, nemo valerat
Lenire haec precibus, nec dare finem.
Crescens sed nimium tempore multo,
Aucta est perque dies sorte m. ligna,
Vastavi populum Patris ob iram.
Durescit qui animo et cedere nescit,
Trax deturbat oves, cæde cruentat :
Nullius miseret, savit in onnes.
His commota malis turba reliquit
Antiquum stabulum : fit peregrina.
Lasis una salus pergere longa [L. longe] est.
Venit summa dies, tempus amarum,
Quando extrema pati turba coacta est,
Et convicta malis huicere sedes.
Cuncti conveniunt undique fratres,
Quis mens una fuit, parque voluntas,
Immitem ut precibus dætere certent.
Duratus qui animo spreverat [pro sprevit] omnes,
Irritans populum [monachos] pellit ab æde,
Desperare dedit Patria amorem.
Diverso inter ea moenia luctu
Miscentur : resonant cymbala cumque,
Et signum ecclesie convic-tai omnes.
Accurrunt tumulo martyris alii,
Flet multa senibus plebs juniorum,
Ex imo genitus pectora ducunt,
Expanduntque manus cum prece fusa.

Sic desinit mutilus codex, ex quo satis hujus tragoo-

dīe finem discimus. Delata res est ad Ludovicum A Augustum, qui monachis Fuldensibus facultatem dedit eligendi alium abbatem. Mox, abjecto Ratgario, electus est anno 817 Eigel abbas, ut in ejus Vita dictum est. Eo abbatē rediit optata serenitas, collecti denuo in unum monachi regularem disciplinam et studiorum usum revocarunt Rabano maxime praeceptore.

15. Per eam Ratgarii tempestatem accidisse arbitror ut Rabanus loco cedere compulsus abierit in loca sancta : cuius peregrinationis hactenus ignoratæ meminit ipse in mss. commentarii libri Josue, cap. 41, versu 8, ubi de Sidone agit. « Ego quidem, inquit, cum in locis Sidonis aliquoties demoratus sim, nunquam comperi duas esse Sidonas, unam magnam et aliam parvam, quantum ad terrenum pertinet locum. » Neque enim iter istud revocari potest ad tempus intermissi regiminis abbatialis ; siquidem hos commentarios nuncupavit Fridurico Trajecti ad Rhenum episcopo, qui anno 834 cœsus est, ante annos octo quam Rabanus regimen abdicaret.

CAPUT V.

Abbatis munus, res gestæ, regiminis abdicatione.

16. Eigli abbatū ita, ut dixi, instituto, ac post quinquennium mortuo, successit Rabanus anno 822, mense Augusto vel Septembri, ut colligo ex duabus chartis a Pistorio editis, quarum una Eigile abbate data est vi *Nonas Augusti*, pag. 528, alia HRabano, mense *Octobri*, x *Kalendas Noverbris*, pag. 535; utraque *Ludovici imperatoris anno nono*.

17. Praeclaras res a tanto abbatē gestas explicare omnes difficile est. Ab eo siquidem sarta tecta viguit monastica disciplina; aucta præter modum cœnobii existimatio et fama, ut et monachorum religio; plurimum temporalis commodi adjectum; litterarum studia mirifice exculta; regum et imperatorum, quibus gratissimus et acceptissimus semper fuit, conciliata benevolentia; et (quod prius dixisse debueram) basilicis, sacris aris, ac sanctorum reliquiis cultus amplificatus. Audiendus hoc loco Tritheimius :

« Sub ejus regimine monasterium Fuldense rebus atque personis crevit quotidie, et fama sanctitatis monachorum ejus per totum se regnum Francorum diffudit, præcipue tamen abbatis HRabani opinio doctrina et sanctimonie in ore fuit omnium celebris et gloria, non solum apud Germaniæ Francos, sed apud Gallicanos quoque et Italos : ejus viri fama reges et principes, episcopos et doctores quoslibet, etiam longius distantes, in ejus venerationem permovit. Ex omni regno Francorum, quod tunc erat unum, Germanis et Gallis, ad audiendum illum certatim confluabant viri multarum facultatum periti; et se fore beatos existimabant, qui ad ejus fuissent familiaritatem admissi. Multi quoque principes, nobiles et cives HRabani magisterio filios suos commiserunt imbuendos, variis atque magnificis præceptorem donis et muniberis honorantes : quos ille tanta sedulitate docuit, qna major excoxitari vix potuisset. »

A 18. Quid in sanctorum reliquias et loca sacra præstitum ab eo sit, abunde nos docet Rudolfus (*Infra in Vita Rabani*), nisi quod omittit jaeta per eum suisce fundamenta Hersfeldensis ecclesie, teste Lamberto hujus loci monacho, cuius haec verba. « Anno 851 Brun et Raban abbates fundamentum ecclesie Sancti Wigberti foderunt vi Idus Julii, feria secunda, » quam Rabanus post Bruni mortem absolutivit, et anno 850 dedicavit : cuius rei memoriam versibus testatam reliquit.

B 19. Fuerunt eo tempore, Meginsfrido apud Tritheimum testante, in cœnobio Fuldensi monachi centum quinquaginta, quos ille non minus virtutibus quam litterarum studiis informabat. Famam ejus doctrinæ probat factum Lupi, qui jam vir, magnis rebus occupatus, exentusque litteris, Rabani tamen disciplinæ erudiendum se submisit paulo ante concessam sibi Ferrarensis monasterii administrationem, ut patet ex ipsis epistola 5. Idem jam abbas præceptorius gratias agit epistola 40. Quid rei egerit in Fuldensi academia sub Rabano, declarat ipse in epistola sequenti ad Immonem episcopum Noviomagensem :

« Cur autem vobis significari petieritis quos libros in Germania scripserim vel legerim, demiratus sum, nec satis causam comprehendere potui, nisi forte mei experimentum argute capere voluisti propositis duabus rebus : quarum altera, si cessisset, videri poterat ostentationis; altera imprudentiae puerilis. Itaque simpliciter vobis aperio principem operam me illuc destinasse lectioni; et ad obli- vionis remedium et eruditionis augmentum libros pauculos paravisse : nec Germaniæ lingue captum amore, ut inceptissime quidam jactaverunt, sarcinam subiisse tanti tamque diuturni laboris. »

C 20. Inter ea, Ludovici Augusti filiis in patrem conspirantibus, tam prudenter et religiose se gessit Rabanus, ut et patris et filiorum benevolentiam sibi retinuerit, fueritque apud eos sequester concordia et pacis, edito libro *de Reverentia filiorum erga patres*, et *subditorum erga reges*, in ejus fine Ludovicum imperatorem ad indulgendum filio et aliis hortatur.

D 21. Quid rei familiaris cœnobio Fuldensi per eum accesserit, testes sunt litteræ donationum a Pistorio et Browero editæ. Observatione digna est Eginhardi epistola 16, *reverentissimo Christi famulo HRabano veneribili abbati inscripta*, qua Gundhartum quemdam ejus hominem a militari illius anni expeditione excusatum haberi rogat. Fuldense quippe cœnobium erat ex illorum numero qui regi dona et militiam (sic aiunt) debebant. Ad hæc egregium a Gregorio papa quarto diploma obtinuisse dicitur, quo pontifex sex privilegia Fuldensibus concedit. 1. Confirmat monasterii patrinomium. 2. Assignat Rabano ejusque successoribus domicilium Romæ, puta monasterium Sancti Andreæ, dictum Exavilum, juxta ecclesiam Sanctæ Mariæ ad Præsepe. 3. Vetat cuiusvis ordinis antistitibus ne sacrificent in Fuldensis basilicæ ara primaria. 4. Concedit prædicandi facultatem, proedriam et primatum sedendi in publicis

consessibus, ante omnes Galliae et Germaniae abbatibus. 5. Usum dalmaticæ, caligarum et sandaliorum.

6. Ut Fuldensis antistes nonnisi ab apostolica sede benedicatur aut confirmetur. Idibus Maii per manus Benedicti notarii et scrinarii, indict. 14, id est anno 836; quod diploma Gretserus ex Viennensi bibliotheca publicavit, teste Browero in relectionibus *ad Antiquitates Fuldenses*: quod diploma, inquit, si genuinum est, magna Rabano ornamen conciliat.

22. His addit Trithemius, Rabanum in pauperes, non sine suorum obloquio, liberalem fuisse; et in refrigerium defunctorum elemosynas dare solitus: quas. cum Adelhardus monachus, homo Francus, nimis quam avarus domesticæ rei dispensator, aliquando fraudasset, egregie castigatum cœlitus fuisse anno 837. Id cum legi, venit in mentem illius *Adelhardi inclusi*, cuius epitaphium exstat in poematis Rabani. Quod vero subdit Trithemius, eum data lege removisse feminas ad ingressu Fuldensis ecclesiæ, id ab initio cautum eo in loco, *ex quo a monachis habitari cæptus est*, auctor est Rudolfus in libro de Vita sanctæ Liobæ abbatis. Quiddam nihilo minus notandum est in his Trithemii verbis: « Fecit et aliam valde necessariam constitutionem beatus abbas Rabanus, quæ (ut fertur) usque in præsentem diem in monasterio servatur. Sciens enim quam sit monachis frequens conspectus mulierum periculosis, illis maxime qui juniores ætate in timore Domini adhuc minus exercitatos habent sensus, de consilio duodecim seniorum cunctis perpetuo mulieribus ad monasterium interdixit accessum. Quæ sancta constitutio ut robur obtineret perpetuum, transitum feminæ sexui per aquilonarem urbis portam, extra quam situm est monasterium, perpetua sanctione prohibuit et negavit. » Quod forsitan de prisæ consuetudinis confirmatione intelligendum est. Cæterum quod ait Trithemius, istum morem ad suum usque tempus servatum fuisse, excipias festum sancti Bonifacii et quosdam alias festos dies, in quibus feminis patebat ingressus ecclesiæ de concessu pontificis Romani: tametsi observatum a majoribus est, prima vice qua patuit, ecclesiam postridie de celo tactam conflagrasse.

23. Quod superest, Rabanus abbas anno 838 Hirsaugiam misit coloniam monachorum, qui cœnobium ab Erlafrido comite instructum incolerent, præposito eis discipulo suo Liutberto abbatte, uti Trithemius in Historia Hirsauensi fusi sibi docet.

24. « Anno 842, inquit Lambertus Scafnavergensis, Liutharius expulsus est a regno, et Rabanus abbas de monasterio, cum illud per annos viginti nobiliter rexisset, ex Rudolfo. Id factum dissensione monachorum Trithemius ex Meginfrido tradit: « Anno nativitatis ejus quinquagesimo septimo, ut Meginfridus Fuldae postea monachus est auctor, facta est inter eum et Monachos ejus, sollicitante diabolo, gravis quedam et nociva dissensio, cuius tamen causam non expressit. Quam Ludovicus Ger-

A manorum rex, frater Lotharii imperatoris ac regis Italiæ, filius Ludovici primi, missis ad Fuldam nuntiis HRabanum ad se vocavit abbatem, et monachorum temeritatem regali auctoritate compescuit, venientemque cum honore suscepit, et biennio ferme secum in curia regali detinuit. Interea monachi Fuldenses, pœnitentia dueti, oratores miserunt ad regem, humili supplicatione rogantes ut ablatum sibi redonaret abbatem: quod tamen facere propter causam rationabilem et abbas ipse renuit et rex admittere nullatenus consensit. Mansit ergo in aula regia beatus abbas HRabanus biennio, usque ad mortem Otgarii archiepiscopi Moguntini, monachis interim lamentantibus. » Hic duplex erratum, et quod Rabanus biennio in aula mansisse post dimissam præfecturam, et quod exacto illo biennio sedi Moguntinæ admotus dicitur. Nam toto fere quinquennio privatus in cella remota deguit, ab anno scilicet 842 ad 47, quo successit Otgaro. Rem melius distinguunt abbatum Fuldensium Acta vetera a Browero citata in libro iv *Antiquitatum Fuldensium*: « HRabanus postquam ecclesiam Fuldensem per viginti annos egregie rexisset, relicta quam habuit potestate ultra Rhenum fluvium, in regnum Lotharii se contulit. Post quem quidam de Fratribus Monasterii, si quo modo eum revocare possent, mittuntur. Illo vero renuente, Hattonem super se abbatem constituerunt. HRabanus autem post dies paucos ad monasterium veniens, cum concordia abbatis et fratrum ejus ad orientalem plagam monasterii montanus efficitur. » Id est reclusus in cella, quæ in monte Sancti Petri sita est, duodecim fere stadiis a monasterio: ubi « Deo serviens, inquit Rudolfus, cœlesti sapientiæ vacabat. » De hoc secessu explicanda est Lotharii Augusti epistola HRabanum inscripta initio Commentarii in Ezechielem: « Placeat, inquam, tua habitatio nobis, si creditur ab omni jactantia aliena. Plus enim interiorem hominem rustica montium solitudo, quam regalis urbium pulchritudo delectat, ubi nulla liventis invidia tranquillum pectus hilari mentitur intuitu, nec fucati sermonis adumbrata blanditiis artifici scelere mutua fabricatur astutia. » Data est hæc epistola eo tempore quo bellorum tumultus Lotharium et fratres ejus de regno disceptantes agitabant, ut initio epistolæ Lotharius significat. Tempus dimissi regiminis vir magnæ eruditionis Stephanus Balizius recte statuit in notis ad Lupi epistolam 40, tum ex anno 822, quo initiam a Rabano dignitatem abbatiæ docent Annales Fuldenses, tum ex spatio viginti annorum regiminis, quos ipsi Rudolfus assignat usque ad depositionem curæ pastoralis. Repugnare tamen videtur vetus abbatum Fuldensium catalogus manu descriptus, citatus a Browero in notis ad Rabani poema 28; quo in catalogo « Hatto, Bonosus dictus, » Rabani successor, « suscepisse gubernaculum abbatiæ anno Domini 841 » prohibetur. Quod interpretandum puto de fine anni 841 secundum veterem calculum, at de initio anni 842 secundum novum. Rabanus

enim Eigili successit sub finem anni 822, id est A mense Septembri, ex dictis; dignitate cessit, et cum monasterium rexisset per annos viginti, » teste Rudolfo, ac proinde ejus abdicatio contigit initio anni 842, quod nonnulli ad precedentis anni finem referabant. Hunc calculum prævalide firmat Lupi epistola 41, ubi ait se sospitem reversum ex Germania, seu ex Fuldensi academia, perculsum fuisse nuntio mortis Aldrici Senonensis episcopi nutritoris sui, quem sub finem anni 840, nimurum vi Idus Octobris, obiisse in ejus Vita ostendi ». Atqui Rabanus tum, cum Lupus ab eo discessit, abbatis munus abdicaverat, ut intelligitur ex Lupi epistola 40 ad ipsum, in qua jam in Galliam reversus scribit se adivisse Rabanum deposuisse sarcinam administrationis, ac proinde id contigit solum initio anni 842, B quo tempore Lotharius cum fratribus suis de regno armis disceptabat, ut dictum est supra. Huc accedunt quædam chartæ donationum apud Pistorium pag. 484 et 558, quarum una Rabano abbati facta dicitur anno secundo Ludharii gloriosissimi regis Francorum, quarto Nonas Aprilis, id est anno 842; alia Hattoni abbati quarto Nonas Aprilis, anno tertio Ludorici regis orientalium Francorum, id est anno insequenti. Quæ fuerit hujus abdicationis causa, sibi reuuntari optat Lupus in dicta epistola 40 his verbis: « Ceterum audivi sarcinam administrationis vestræ vos deposuisse, et rebus divinis solummodo nunc esse intentos; Hattoni vero nostro curam sudoris plenam reliquisse: cuius rei ordinem simulque alia, quæcunque videbuntur, beatitudinis vestre litteris optabo cognoscere. » Verum quid Lupo rescriptum hac de re sit ignoramus.

25. Hujus vacationis tempore vir pius totum se contulit ad studia saecularum litterarum: tumque opus suum *de Universo* dedicavit Hemmoñi episcopo Halberstatensi, ad quem hæc verba facit in epistola nuncupatoria: « Postquam me divina providentia ab exteriorum negotiorum cura absolvit, teque in pastoralis curæ officium sublimavit, cogitabam quid tue sanctitati gratum et utile in scribendo confidere possem, » Præter ea anno 844, » ut tradunt Annales Fulenses, » HRabanus sophista, » id est sapiens, et sui temporis poetarum nulli secundus, librum quem de laude sanctæ crucis Christi figurarum varietate distinctum difficile et mirando poemate composuit, per Aschricum et HRuodbertum monachos monasterii Fulensis Sergio papæ sancto Petro offrendum transmisit. » De reliquis ejus operibus per id tempus editis postea dicemus. In his commentariis suis in Sapientiam et in Ecclesiasticum cum libro pœnitentiali nuncupavit Otgaro Mogontiacensi antistiti, decessori suo: de quo explicanda est cleri Moguntini epistola reclamatoria apud Chesnium edita tomo II Historiæ Francorum, ubi Otgarii seu Otgeri redditum in sedem suam ab Ludovico imperatore flagitant Mogontiacenses et propter nimiam necessitatem, quæ quotidie in ipsa parochia grassabant.

* Vide Patrologie tom. CV.

A tur, absente diu et procul versante suo pastore. » autem propterea noto quod nullam ejus rei mentionem facit Serarius in Historia Moguntiaca. Is est Otgarius cui Rabanus pro ordinatione Werdrici diaconi scripsit, probante Eginhardi epistola 4.

CAPUT VI.

Archiepiscopalis dignitas, archiepiscopi gesta.

26. « Anno 847, » habent Annales Fulenses, » Otgarus Mogoutiacensis episcopus xi Kal. Maii obiit; in cuius locum HRabanus ordinatus est v Kal. Julii. » Huc scrupulum movet Petrus Franciscus Chiffletius, eruditus presbyter societatis Jesu, qui in Præfatione ad librum contra Judæos, sub Rabani nomine ab se vulgatum, censem Rabani ordinacionem factam esse anno precedente, nimurum tum propter diem Dominicam, in qua episcoporum ordinationes fieri debent ex antiquo more, eo anno in v Kal. Julii incidentem: tum propter spatium novem annorum regiminis cum uno mense et diebus quatuor, qui Rabano tribuuntur in predictis Annalibus, ubi mors ejus refertur ad annum 856, pridie Nonas Februarii, nam a v Kal. Julii anni 847 ad hunc annum non reperiri integrum novennium. Quapropter existimat annum 847 in istis Annalibus computari secundum veterem calculum, qui annus sit praecedens secundum novum. Et quidem proba est utraque Chiffletii ratio, sed nodi utriusque solutio aliunde repetenda. Mensis enim Junius, in cuius die v Kal. Julii ordinatio Rabani facta dicitur, trahi non potest in diversos annos pro diverso calculo; sed tantum tres menses primi æræ nostræ vulgaris, neque praecedit vetus computandi ratio, sed Dionysiana et nostra nova. Sic Januarius, Februarius, et Martius ad Pascha usque pertinent ad finem anni 847 secundum vetus computum; ad initium vero anni in sequentis secundum Dionysianum, quod annos inchoat a Christi nativitate; et secundum nostrum novum, quod a mense Januario. Scio alicubi variasse hunc usum, ita ut menses novem, ab annuntiatione seu a mense Martio ad Natale Domini, uno anno præverterint aliquando eum calculum, qui annos computabat a Nativitate, non ab Incarnatione; eumque morem, teste Covarruvia, obtinuisse apud Pisanos. At rarissimus fuit iste computandi modus. D Proinde, ut dixi, hujuscemodi a Chiffletio properti solutio repetenda est aliunde. Negari certe non potest quin episcoporum ordinationes pro veteri more fieri solitæ sint die Dominicæ, sed non semper; nam sancti Willibrordus et Bonifacius ordinati sunt Romæ, hic pridie Kal. Decembris anni 823, qui dies tum in feriam tertiam incidit; ille anno 696, die sanctæ Ceciliae, qui in feriam quartam. Existimo tamen Rabani ordinationem contigisse die Dominicæ: sed quia, testantibus Annalibus Fulensisibus, Franco-Saxonis, et Hermanno monacho facta est anno 847, satendum est mendum irrepsisse in diem apud Annales Fulenses, et pro v Kal. Julii reportandum esse vi Kal. Julii, uti legit Trithemius.

Quanquam Franco-Saxonici Annales mss. optimæ note, qui cetera hoc lcco cum Fuldensibus conveniunt, Rabani ordinationem reponunt *viii Kal. Julii*, id est die natali sancti Joannis Baptistæ, qua die ob festi celebritatem, tametsi Dominica non erat, Rabani ordinatio facile fieri potuit. Aliud Chiffletii momentum inferius diluendum est, ubi Rabani annos pontificatus expendemus. Interim moneo librum seu epistolam contra Judæos, sub nomine Rabani vulgatam, ex qua præcipuum sententiæ suæ de anno ordinati Rabani fundamentum depropnspit Chiffletius, non esse huic pontifici tribuendam, sed Amoloni, ut postea demonstrabo. Nunc res a Rabano archiepiscopo gestæ paucis explicandæ sunt.

27. Eodem ordinationis suæ anno, ex prædictis Annalibus, « jubente HLudowico rege apud Mogontiacum synodum habuit circa Kal. Octobris, » nimirum in monasterio Sancti Albani. Occasio hujus synodi eadem fuit quæ Meldensis concilii, ut Baronius observavit. Cum enim a laicis bona ecclesiærum, jura pariter et personæ invaderentur, deque his frequentes apud regem querebantur deponerentur; ipse, ut his malis nederetur, satis egit ut ejusmodi provinciale concilium colligeretur, « cui archiepiscopus Rabanus, vir doctrina valde insignis, præesse deberet quem sciret probitate atque scientia nulli secundum, » inquit Baronius. Quot vero episcopi interfuerint, quæve definierint, docet Rabani synodal is epistola ad Ludovicum regem missa cum capitulis ibidem constitutis, quæ exstant in collectione Conciliorum. In ea epistola consideranda sunt hæc verba : « Decrevimus ut singulis parochiis per episcopos et clericos, per abbates et monachos oratio pro vobis, et pro vestra conjugi, simulque prole nobilissima fieret, cuius orationis summa est, misericordia millia et quingenta, et psalteriorum nullæ septingenta, » et infra : « Tunc vero considentes in claustro sancti Albani martyris, secundum morem illum quo priscis temporibus sub Carolo imperatore Hildebaldu et Ricolfus cum ceteris episcopis et abbatibus illuc convenientibus fecerunt, coepimus in Dei nomine, communis consensu et voluntate, tractare pariter de statu veræ religionis, atque utilitate et profectu Christianæ plebis. Convenit inter nos de nostro communi collegio clericorum et monachorum facere duas turmas, sicut et fecimus ; ita ut in una turma considerent episcopi cum notariis... in alia vero turma sederunt abbates et probati monachi, Regulam sancti Benedicti legentes atque tractantes diligenter, qualiter monachorum vitam in meliorem statum atque augmentum per Dei gratiam perducere possent : et ubicunque per negligientiam atque desidiam rectorum regularis ordo dilapsus fuisset, rursum secundum normam sancti Benedicti restitueretur. » In illa etiam synodo ventilata est causa cuiusdam « pseudoprophetissæ de Alamannicæ partibus, nomine Thiotæ, quæ Salomonis episcopi (Constantiensis) parochiam suis vaticiniis non minime turbaverat, asserendo certum con-

A summationis sæculi diem, aliaque perplura divinitus sibi revelata. Hæc in præsentiam episcoporum apud Sanctum Albanum adducta, publicis casa flagellis, ministerium prædicationis quod irrationaliter arripuit, cum dedecore amisit, » ut fusius legitur in jam dictis Annalibus, ex quibus etiam subiecta erimus.

28. « Anno 848, Ludovicus Germaniæ rex « homines HRabani episcopi adversus dominum suum conspirantes, publice convictos cum eo pacificavit apud Mogontiacum. Gotescalcus quoque quidam presbyter, » monachus cœnobii Orbacensis sub parochia et ditione archiepiscopi Rhemensis, sed diœcesis Suessionensis, « de prædestinatione Dei prave sentiens, et tam bonos ad vitam, quam malos ad mortem perpetuam inevitabiliter a Deo prædestinatos esse affirmans, in conventu episcoporum rationabiliter (ut plurimis visum est) convictus, et ad proprium episcopum Igumarum Rhemis transmissus est, prius tamen juramento confirmans ne in regnum HLudowici ultra rediret. » Meminit istius synodi Hincmarus cum variis in locis, tum maxime in capite 11 posterioris operis adversus Gothescalcum, ubi synodalem epistolam profert a Rabano ad se missam de Gothescalco, quæ extat in tomo III Coneiliorum Galliæ. Rabanus insuper tres hac de re scripsit epistles ad Hincmarum Rhemensem, ad Notingum Veronensem episcopos, et ad Heberardum comitem in Italia, quas typis vulgavit Jacobus Sirmondus anno 1647. Duas superiores synodos in unam conflavit C Tritheimius in Chronico Hirsaugiensi, ubi de hac synodo agens multa peccat : tum quia eam synodum jussu Lotharii coactam fuisse dicit, cum Ludovico rege procurante id factum sit ; tum quia Patres synodi recensens, memorat Altfriedum Hildesheimensem episcopum, qui anno duntaxat 851 eam sedem iniit ; Hetti archiepiscopum Trevirensim, Hildeboldum Colonensem, Ludericum Bremensem episcopum, et Eginhardum abbatem Segensteltensem, qui antea e vivis abierant, et Radulphum abbatem S. Medardi Suessionensis, postea Bituricensem archiepiscopum, qui hanc dignitatem jam dudum ante, id est ab anno 840, obtinuerat. Lege Henschenii Commentarium, num. 51.

29. « Anno 850, » ex iisdem Annalibus Fuldensibus, « gravissima famæ Germaniæ populos oppressit, maxime circa Rhenum habitantes : nam unus modius de frumento Mogontiaci vendebatur decem siccis argenti. Morabatur autem eo tempore HRabanus archiepiscopus in quadam villa parochiæ suæ, cui vocabulum est Winzella ; et pauperes de diversis locis venientes suscipiens, quotidie plus quam trecentos alimento sustentabat, exceptis his qui in præsentia illius vescebantur assidue. » Jam superius ex Trithemio notatum est quantæ charitatis in pauperes fuerit abbas. De Winzella sermo recurret num. 38. Eodem anno 850, et quidem « v Kal. Novembbris, ecclesia Sancti Wigberti » in cœnobio Frisiariensi « dedicata est a Rabano Mogontiacensis

ecclesie archiepiscopo, » ex Chronico Hildeneshei-mensi.

30. « Anno 852 habita est synodus ex voluntate atque præcepto HLudowici serenissimi principis in civitate Mogontia metropoli Germanie, præsidente HRabano venerabili ejusdem urbis archiepiscopo, cum omnibus episcopis atque abbatibus orientalis Francie, Bajoarie et Saxonie. Et illi quidem de absolvendis questionibus ecclesiastice tractatum habebant. Rex vero cum principibus et præfectis provinciarum publicis causis litibusque componendis insistens, postquam synodalia eorum decreta suo iudicio comprobavit, Bajoariam reversus est. » De episcopis qui huic concilio interfuererunt agit Hensenius in Commentarii num. 51, ubi quedam Trithemii errata corrigit: assignat etiam suam cuique sedem episcopis, qui primo Rabani concilio præsentes fuerunt, num. 49. Anno 853 habita est synodus « in palatio regio Franconoford, » præsente Ludovico Germanie rege, in qua quid Gozberto Osnabrugensi episcopo in Herifordensis parthenonis ecclesiæ competere deberet, definitum est coram Ludovico rege « et archiepiscopo HRabano, ceterisque cum eo in synodo agentibus. » Ejus rei diploma idem rex concessit, superius editum in observationibus præviis ad historiam translationis S. Viti ^a.

31. Sic occupatus in munera sui officiis piissimus antistes, vix interspirandi tempus habebat. Quam ob rem a Freculfo Lexoviensi episcopo instigatus ad scribendos commentarios in Genesim, ita rescribit: « Injunxisti ut Pentateuchum... digererem. Verum haec quantum meam possibilitatem excedant, tu melius nosti, cum in difficillimo loco conversans, propter curam gregis Dominicæ, ne ei necessaria desint, tantum occupatus sim, ut nec aliorum dicta perlegere, nec propria excogitare licet. »

CAPUT VII.

Scribendi studium, reverentia erga Patres.

32. Tantus erat ejus amor in litteras, ut cum ab scribendi studio non docendi labor et vitæ regularis officia, non variae occupationes, non denique morbi revocarent. Facilis quippe amicorum parere voluntati, id unum curabat, ut Christi Ecclesiæ aliorumque saluti prodesse posset. Hoc probat ejus præfatio in librum Judicum, Humberto Wirtziburgensi episcopo inscripta, cuius hæc verba: « Igitur quia paternitas tua a nostra exiguitate ad hoc aliquantulum dignata est querere solatium; propter amorem Dei et vestram etiam humilem in eo dilectionem, humilem in hoc opere profiteor me vobis esse velle servitorem, et boni studii, quantum divina gratia annuerit, benevolum adjutorem. » Et in epistola ad Ludovicum regem initio Commentariorum in libros Machabœorum: « Quandiu, inquit, in hoc corpusculo vixerò, in Christi servitio, prout possibile fuerit, laborare contendò. » Fuldensi academiæ præ-

^a Vide Patrologie tom. CIV, inter Ludovici Pii Diplomata.

A fectus, tametsi vacaret regularibus exercitiis et instruendæ juventuti; non tamen desistebat a confiendis commentariis ex sententiis Patrum, ut testatur ejus epistola ad Haistulfum Mogontiacensem episcopum pro expositione in Matthæum: « Horum ergo lectioni intentus, quantum mihi præ innumeris monasticæ servitutis retinaculis lievit, et pro nutrimento parvolorum, quod non parvam nobis ingerit molestiam, et lectionis facit injuriam; ipse mibi dictator simul et notarius existens, in schedula ea mandare curavi quæ ab eis exposita sunt, vel ipsis eorum syllabis, vel certe meis breviandi causa sermonibus. » Bedam Venerabilem imitatus, cuius fere eadem verba sunt in ejus Elogio relata sæculo superiori ^b.

B Abbas factus idem studium coluit, tametsi in desertis locis conversans, maxima occupatione detineretur, qua servire ac necessaria providere famulis Christi sub Regula sancti Benedicti degentibus quotidie compelleretur, nec otium haberet Patrum dicta pleniter perscrutari, » uti scribit in epistola ad Freculfo Lexoviensem in Gallia episcopum, cui mittit expositionem suam in Leviticum: quod etiam dixerat in epistola ad eumdem, cum explanationem in Genesim ipsi direxit. Quid scriperit episcopus, postea videbimus. At (quod magis mirere) non eum ab hoc opere morbi remorabantur, probante epistola ad Lotharium Augustum in Commentariis Ezechie- lis: « Quod vero, inquit, tertio loco postulatis de Ezechiele, in præsenti opusculo, prout infirmitas corporis et parvitas ingenii sinit, confessum habetis. » Et in præfatione libelli de sacris Ordinibus ad Theotmarum ita loquitur: « Quia mei cooperatorem in sacro ministerio elegi, hortor ut quod pro infirmitate corporis coram multis exponere non possum, tu, qui junior ætate et validior es corpore, illis qui ad sacerdotium ordinati sunt, et ministerium sacerdotiale agere debent, notum facias, et eis persuadeas, imo jubeas, ut diligenter discant, quod in hoc opusculo conscriptum est. » Denique in præfatione super Jeremiam: « Gravi ægritudine pressus, jam sæpius in lectulo accumbo quam ad scribendum vel ad legendum in meditatorio sedeo. »

D 33. Quanta fuerit ejus observantia erga sanctos Patres docent opera ejus omnia, que ipse ex eorum sententiis contexuit, appositis ad marginem nominibus: « ne majorum dicta furari, et haec quasi mea propria componere dicar, » aut in præfatione ad Matthei Evangelium. Id autem ita præstatabat, ut ibidem ipse dicit, in commodum aliorum: « ut lector pauperculus qui librorum copiam non habet, aut cui in pluribus scrutari profundos sensus Patrum non licet, saltem in isto sufficientiam suæ indigentiae inveniat. » Quod optimo consilio factum ab eo nemo negaverit, qui librorum raritatem, qualis eo tempore erat, considerabit. Nam extra monasteria nullæ fere bibliothecæ habebantur, ne quidem in cathedralibus plerisque ecclesiis, ut de sua Lexoviensi testatur

^b Vide Patrologie tom. XC, Opp. Ven. Bedæ tom. I.

Freculus in epistola ad Abanum, a quo petiti Com- A mentarios in Pentateuchum contextos ex dictis Patrum : « Ergo si aliquas excusationis pretendere tentaveris occasiones, ne tantæ molis opus ingentisque laboris subeas ; et respondere nisus fueris cur non proprio sudore eos legendo perlustro libros ex quibus haec fieri mando, et quæque libuerint decerpendo colligam, ad haec vestræ charitatis vigilatia intendat quoniam nulla nobis librorum copia, ut haec facere possimus, suppedit, etiam parvitas obtusi sensus nostri vigeret : dum in episcopio nostræ parvitati commisso nec ipsos Novi Veterisque Testamenti canonicos reperi libros, multo minus eorum expositiones. » Et si vero laudanda erat modestia Rabani, Patrum sensa suis preferentis, non defuere tamen qui hoc in eo reprehenderent, uti de his conqueritur in præfatione super Ezechielem ad Lotharium imperatorem : « Nec etiam illud silentium arbitror, quod quibusdam narrantibus comperi, quosdam sciolos me in hoc vituperasse quod excrationem faciens de sanctorum Patrum scriptis, eorum nomina prænotarem, sive quod aliorum sententiis magis usus essem, quam propria conderem. Quibus ad hoc facile respondere possum. Quid enim peccavi in hoc quod magistros Ecclesiæ veneratione dignos judicabam, et eorum sententias, prout eas protulerant, opportunis locis simul cum nota nominum eorum in opusculis meis interposueram ? Magis enim mihi videbatur salubre esse, ut humilitatem servans, sanctorum Patrum doctrinis inniterer, quam per arrogiantiam, quasi propriam laudem querendo, mea indecenter proferrem... Illi qui se laudari querunt, et ab hominibus videri appetunt, dicent vel scribant quidquid voluerint, et laudatores suos atque adulatores undecunque possint, sibi acquirant. Mihi autem adhæreret Deo omni tempore vita mea bonum est, et ponere in Domino Deo spem meam, ut annuntiem omnes laudes ejus in portis filiae Sion, in illis videlicet portis de quibus scriptum est : *Beati qui ambulant in semitis vita, et per portas introeunt in civitatem.* » Utinam qui novos condunt libros, per easdem semitas incedant (ut certe modo incedunt multi), et non per vias intricatas ad inventiōnum humanarum et novitatum, quibus nihil in religione perniciosius !

CAPUT VIII.

Zelus pro fide et pro integritate morum, auctoritas, humilitas.

34. Rabani zelum pro Christiana religione probaret in primis epistola contra Judæos sub ejus nomine a Chiffletio edita. At cum verisimilius sit illam Amolonis fetum esse, ut postea ostendemus, juvat potius in hujus zeli argumentum proferre Martyrologium ab ipso editum de sanctis qui Ecclesiam factis ut passione sua illustrarunt. Id ipsum probant omnia ejus auctoris scripta, quæ sinceram Patrum doctrinam ac genuinam pietatem spirant, et maxime decreta ab ipso sancta variis in synodis quas pro ecclesiasticis rebus celebravit.

35. Adversus morum relaxationes scripsit homines plures quas populo recitandas dedicavit Haistulfus archiepiscopo Moguntino, in quibus exstat homilia, *Contra eos qui in lunæ defectu clamoribus se fatigabant*; alia, *Contra paganicos errores, quos aliqui de rudibus Christianis sequebantur*; item alia, *de Moribus honorum et malorum Christianorum*. Neque tantum plebeiis hominibus salubria dabat monita pro correctione morum, sed etiam regibus et episcopis : regibus quidem, tum in libro *de Reverentia filiorum erga patres* in causa depositionis Ludovici Augusti, tum in provinciali synodo Moguntina, quam anno suæ ordinationis primo celebravit. Episcopos denique monet, ut ne plus vacent forensibus causis, quam sacris concionibus, in epistola Hemmoni episcopo scripta, initio librorum *de Universo* : « Multo melius est enim laborare episcopum in doctrina verbi Dei ob salutem animarum sibi commissarum, quam in disponendis et definiendis civilibus quæstionibus et variis hominum contentionibus vacare, qui propter terrenam cupiditatem litem et rixas incessanter movent, et unusquisque in his alterum superare contendit. Nusquam enim in Scripturis sacris legitur ipse Salvator aut discipuli ejus hoc egisse sive docuisse... Haec cum scribantur, mi domine, nolo ut aestimes me novam legem vivendi tibi constituere, sed olim a viris sanctis prolatam ob commemorationem breviter commemorare. » Et in epistola de chorepiscopis ad Dragonem episcopum Metensem carpit occidentales seu Gallicanos episcopos, qui chorepiscopos a potestate ordinandi presbyteros et diaconos exclusos volebant. « Grandis honor est, inquit, Christi ministerium esse; unde et grande præmium bene ministrantem sequitur, ita ut cum Christo et sanctis angelis ejus in cœlesti beatitudine sine fine lætetur. Atque ideo non convenit servis Christi contendere de sublimitate honoris, sed magis certare de utilitate sane prædicationis et assiduitate bonæ operationis, ut populus Christi audiat ex ore eorum verbum rectæ fidei, et videat in actibus eorum bonum exemplum per humilitatis indicium... Non est enim æquum ut collatio sacri ordinis servis Christi fiat causa elationis et terrenæ voluptatis, quia nec in ipsis Magistri, nec discipulorum ejus dictis sive exemplis aliquid hujusmodi D reperiunt, » etc. Cum Rabani sententia consonat Nicolai papæ I epistola 39, ad Rodulfum episcopum Bituricensem.

36. Tanta in dicendo libertas non ipsi, ut solet, parabat eorum ad quos scribebat indignationem, sed auctoritatem apud omnes, qui ejus scriptis et monitis instrui et emendari peroptabant. Exemplo est Lotharius Augustus, qui cum expositionem in librum Josue ab eo accepisset, gratias agit pro accepto; et iterum alia petit, exponens vehemens suum desiderium cerebro eum videndi et alloquendi, ut patet in Lotharii epistola initio Commentarii in Ezechiele, ad Rabanum post abbatialis regiminis abdicationem scripta, in qua singularis cum eo familiaritatis indicia demon-

strat. Nec aliter affecti adversus eum erant Ludovicus Augustus, et Ludovicus ejus filius Germaniae rex : quorum ille Rabani causa Fuldense monasterium adiit, testante Rabano in epistola ad Ludovicum regem, expositioni Paralipomenon præposita, ubi ait se nuper commentarios Regum *sacratissimo genitori* ejus præsentialiter in suo monasterio tradidisse. Hic Rabanum arcessivit in cellulam monasterii, quæ vocatur *Ratessor*, ubi sermonem cum eo habuit de *Scripturis sacris*, persuasitque ut *cantica*, quæ ad matutinas laudes per septimanam dicuntur, explanaret, prout legitur in epistola dictæ explanationi præmissa. Mirandum porro est, tantis regibus, tot bellis ac saecularibus negotiis implicatis, tantam fuisse sitim verbi Dei, quam sine dubio accendebat is qui restinguerebat, semper Rabanus.

37. Quid inter hæc de se sentiret vir sanctus, aperit ipse in præfatione ad Commentarios Ezechielis, cuius libri explanationem ab eo loco in quo desirat Gregorius Magnus a Rabano continuari Lotharius Augustus, præter alia, postulaverat. « Quod vero, inquit, tertio loco postulantis de Ezechiele, in præsenti opusculo, prout infirmitas corporis et parvitas ingenii sinit, confectum habetis. Feci enim, non quasi successor papæ Gregorii et prædictor plebis Dei, supplendo hoc quod ille homiliarum conditione populum docens inchoavit, et tamen usque ad finem Prophetæ non perduxit : sed quasi imitator et discipulus, non solum ipsius memorati papæ, sed et aliorum sanctorum doctorum vestigia sequendo. » *Ecce præ exemplum de Rabani virtutibus sufficient.*

CAPUT IX.

Mors et actas, sepultura et epitaphium, historie, elegia et memoria.

58. « Anno 856, » uti legitur in Annalibus Fuldisibus, « mense Februario, quarto die mensis, defunctus est II Rabanus archiepiscopus Mogontiacensis Ecclesiæ, habens in episcopatu annos 9, mensem unum et dies quatuor, cui successit Karlus magis ex voluntate regis et consiliariorum quam ex consensu et electione cleri et populi. » Eadem omnino verba leguntur in Franco-Saxonice Annalibus mss. Hermannus eo leme anno et die Rabani obitum collocat, se. I rotulo numero annos tantum novem regiminis ei tribuit. Duplici modo hunc scrupulum explicare possumus. Primus est, si prædictos annalistas dixerimus veteri calculo usos fuisse in designando anno quo decessit Rabanus. Decessit quippe die quarta Februarii : quæ dies ad finem anni 856 referri potuit, secundum veterem calculum, aut ad initium sequentis, secundum novum. At quo minus hoc pacto explicitur Fulenses et Saxonici annales, repugnant tres omnino res : una, quod novum calculum secuti sunt, obitum Caroli Magni, qui v Kal. Februarii accedit, revocando ad annum 814, pro novo numerandi ritu, non ad annum 813, pro antiquo ; altera, quod iidem annales in capite anni 856 Rabani obitum referunt, et consequenter Hattonis Fuldensis abbatis decessum pridie Idus Aprilis, tum in sequenti Au-

A gusto Ludovici regis expeditionem in Dalmatas eodem anno, relaturi ad annum 857, si Februarium mensem, quo Rabanus obiit, ad finem anni 856 ex veteri calculo revocasseint. Accedit quod neque hoc modo numerus annorum, mensis 1, et dierum 4, quos Rabano archiepiscopo tribuunt, accurate constaret, sed numerus mensium, dierum 7, 8 vel 9, præter novem annos. Alia proinde explicandi hujus loci ratio, quam obscure suggerit Serarius, ineunda est, dicendo Annales Fulenses et Saxonicos annum pontificatus Rabani primum, tametsi ejus ordinatio mense Junio contigerit, definisse anno 847, quem Rabano solidum tribuerint; secundum vero (quod etiam de subsequentibus dicendum) inchoasse anno 848. Hoc enim modo inveniuntur Rabani episcopatus anni novem, mensis unus, dies quatuor, usque ad quartum Februarii diem anni 856, quo tempore obitum ejus reponunt isti annales. « Mortuus est autem beatissimus archiepiscopus, ait Trithemius, apud Vinicellam (*Winfel*), habitationis suæ vicum, ad littora Rheni; cuius sacrum corpus, sicut vivens mandaverat, Moguntiam relatum est. » Eum proiectæ fuisse ætatis, patet ex epistola ad Hincmarum Rhemensem archiepiscopum, a Sirmondo edita, in qua se excusat a prolixiori Gotescalci resumptione : quia scilicet id non permittit *infirmitas corporis, nec ægritudo senectutis*. Quapropter eum ad annos ætatis fere septuaginta (sexaginta octo habet Trithemius) pervenisse crediderim.

39. Sepultus est in monasterio sancti Albani et in capella sanctorum Martini et Bonifacii, uti legitur in brevi ejus sommiratione, quæ exstat post libros Universitatis codice nostro ms. n. 270, in hac verba : « Rabanus Maurus, Mogontiæ natus et renatus, et a pueris in Fulda monachus, deinde cella inclusus, tandem in archiepiscopum assumitur cuius idonea sunt opuscula in utriusque Testamenti pagina, et ante portam prædictæ civitatis meridianam apud sanctum Albanum sepulcri ejus ostenditur memoria in sanctorum archiepiscoporum Martini et Bonifacii capella. » Ex hoc monumento, quod in codice nostro ante annos quadragesimos descriptum est, intelligimus, Rabanum Mogontiæ, ut superius dixi, natum esse ; ac proinde male a nonnullis dispungi tertium et quartum ejus epitaphii versus, quod de se ipse compositus, cui præmissus hic titulus in codice nostro ms. *Epitaphium sancti Rabani Mauri, Mogontiæ sedis archiepiscopi, apud sanctum Albanum sepulti :*

Lector honeste, me si vis cognoscere vitam,
Tempore mortali discere sic poteris.

Urbe quidem hac (Deest lac in ms.) genitus sum, et

[sacra] f[un]e renatus.

In Fulda post hæc dogma sacrum didicisti.

Quo monachus factus seniorum jussa sequebar.

Norma milii vita Regula sancta fuit.

Sed licet incaute hanc nec fixe semper haberem,

Cella tamen mihi metu mansio grata fuit.

Ast ubi iam plures transiissent temporis anni,

Convenere viri vertere fata loci.

Me abstraxere domo invalidum, regique tulere,

Possentes lungi præsulis officio.

In quo nec meritum vita, nec dogma repertum est,

Nec pastoris opus iure (Ms., urbe) beneplacitum

Promplus erat animus : sed tardans debile corpus

Feci quod poteram, quodque Deus dederat.

**Nunc ego te ex tumulo, frater dilecte, juvando
Commendes Christo me ut precibus Domino
Judicis eterni me ut gratia salvet in ænum,
Non meritum aspicens, sed pietatis opus.
Raban nempe mihi nomen: cui lectio dulcis
Divinae legis semper ubique fuit.
Cui, Deus omnipotens, tribus celestia regna,
Et veram requiem semper in arce poli.**

40. Ejus « sanctum corpus, » teste Trithemio, « annis sexcentis quinquaginta novem in memorato cœnobio sancti martyris Albani sepultum, in sarcophago juxta murum chori elevato permanit. Ad cuius quoque tumulum a principio magnus populi sicut concursus, et plura narrantur facta miracula; qui tamen successu temporis omnino defecit, et sacculum ejus diu sine honore permanit. Unde providentia Dei cuncta gubernantis, ad nominis sui gloriam, et famuli sui perpetuum honorem, sanctissimum corpus ejus de Mogontia ordinavit et voluit in Saxoniam transferri anno præsenti, quo hoc scripsimus, Dominicæ videlicet Nativitatis millesimo quingentesimo quinto decimo, indictione Romanorum tertia: quæ quidem translatio, per quem, quilater, quando et quorsum sit facta, speciali syntagma descriptissimus. » Non exstat illa Trithemii lucubratio, qui hanc translationem Alberto Moguntino archiepiscopo auctori tribuit in nuncupatoria epistola Vitæ Rabani præfixa: sic enim Albertum alloquitur: « Rabanum apud Moguntiacos despetum et pene sempiterna oblitione sepultum, in nomine justi summa cum veneratione levasti de terra: propter quod et omnipotens Dominus animam tuam cum sanctis suis exaltabit in patria. » **De legendis translatione signantius agit Trithemius in libro de Vita sancti Maximi archiepiscopi Moguntini his verbis.** « Cum Albertus anno archipontificatus suo Moguntini primo, Magdeburgensis auctoritate secundo, pro Dei amore et reverentia sanctorum, apud Moguntiam circumeundo, basilicam martyris sancti Albani devotus intravit, et videns prescriptorum decem pontificum sancta corpora sine honore neglecta; auctoritate non minus apostolica, quam ordinaria usus, corpus sancti Rabani quondam archiepiscopi totum, sancti Maximi episcopi medium, permissione canonicorum inde abstulit; et in Saxoniam transferens, apud Hallas oppidum in basilica sancti Mauritii solemni processionis officio collocavit, anno Dominicæ Nativitatis millesimo quingentesimo quinto decimo, indictione Romanorum tertia. »

41. Hinc patet quantus honor delatus sit mortuo, quem etiam vivente nonnulli *sanctum sanctissimum* appellavere: in his Humbertus Würzburgensis episcopus in epistola sua commentariis *Judicum* præfixa:

*Salve, sancte pater, meritoque beatus in orbe.
Tu dux es nostrum, sancte pater, merito.*

Et Ermanicus in libro de Vita sancti Soli, agens de monasterio Fuldenensi, « ubi, Deo providente, subdit, modo sanctissimus ac in omni arte peritissimus abbas Rabanus perspicilliter fulget. » Amulo pontifex Lugdunensis in epistola ad Gotescalcum, « bo-

A num et eruditum virum atque catholicum episcopum; » Hincmarus vero in opusculo contra cumdem Gotescalcum, « Rabanum venerabilem archiepiscopum, zelosum in sancta religione patrem, et catholicum scriptorem » vocat. Eumdem Frodoardus canonicus Rhemensis « beatum Rabanum » dicit in lib. II Historie Rhemensis, cap. 21, et sanctus Odilo abbas Cluniacensis « seculari scientia assatim eruditum, fide catholicum, spiritali scientia ad plenum edoctum, » in sermone de laude sanctæ crucis. Eiusdem meminit Guillelmus abbas Romani monasterii sancti Pauli in Kalendario sanctorum monachorum, quod anno 1372 composuit, his verbis, « prid. Nonas Februarii Rabani archiepiscopi Moguntini. » Denique in codice nostro n. 170, qui ab annis fere quingentis manu descriptus est, refertur Epitaphium sancti Rabani, supra. Ex quibus omnibus patet Rabanum apud veteres audiisse ut *sanctum*: ac falsum esse Trithemium, qui ejus obitum locat vi Kal. Novembris. *Beatum* appellare malui, quam *sanctum*, donec sanctior Ecclesia accedat auctoritas; siquidem nullo festivo culto in Magontiacensi ecclesia honoratur, teste Browero in notis ad poemata. Eum « fulgens Germanice sicut, theologorum verticem » Baronius; Bellarmineus « æque doctum ac pium » vocat: alia aliorum eloqua prætermitto.

CAPUT X.

Judicium de ejus scriptis et doctrina.

42. Superest agendum de Rabani scriptis, de quibus tria sunt querenda: unum, quæ legitima, quæ spuria et aliena; alterum, quæ restent inedita; tertium, quo tempore singula scripta sint.

43. Inter edita Rabani opera tria tantum spuria sunt, nimislibet libri tres de *Questionibus canonum penitentialium*, qui in editis ad Heribaldum scripti dicuntur: tum sequentes libri itidem tres *De virtutibus et vitiis: Commentarius in Regulam sancti Benedicti*: et *Liber de sacramento Eucharistie*, sub ejus nomine Coloniæ editus anno 1551. Primum siquidem et secundum opera sunt Halitgarii episcopi Cameracensis, ut recte advertit V. C. Stephanus Baluzius in prefatione ad Rabani epistolam Heribaldo scriptam, qui Halitgarius libros quinque penitentiales composuit rogatu Ebonis archiepiscopi Rhemensis, editos ab Henrico Canisio in tomo V Lectio-
nium Antiquarum. Nam liber primus de *Questionibus canonum* apud Rabanum est quintus liber Halitgarii; secundus est tertius; tertius est quartus; primus vero liber de *Vitiis* apud Rabanum est primus Halitgarii; secundus Halitgario etiam secundus; tertius Rabanicus cuius sit, incertum. Commentarius porro in *Regulam sancti Benedicti* est Smaragdi abbatis monasterii sancti Michaelis ad Mosam in dioecesi Verodunensi, ut constat tum ex Siegherto in lib. de *Scriptoribus ecclesiasticis*, cap. 118, tum ex libris membraneis per multis, quos vidi. Denique liber de *Eucharistia* est Paschasii Radberti abbatis Corbeiensis.

44. Ut facile distinguamus quae Rabani opera nondum typis vulgata sint, opere pretium est dispicere quid ex scriptis ejus a Rudolfo commemoratis desit in editis; tum quid ex iis quae habentur in editis a Rudolfo pretermissum sit; denique quid praeter opera a Rudolfo enumerata et ea quae in collectione Rabani operum existant, ulterius desiderentur.

45. Ex enumeratis a Rudolfo desunt in collectio-
ne Pamelii *Commentarii in libros Judith et Esther* inediti, qui penes nos sunt descripti manu Petri Francisci Chiffletti; epistola de *Chorepiscopis ad Drogonem Mettensem episcopum*, cura Stephani Baluzii edita in tertia editione librorum Petri de Marca de Concordia Imperii, una cum *Libro de reverentia filiorum erga patres, et subditorum erga reges ad Ludoricum imperatorem*, qui liber a Rudolfo Collecta-
rium appellatur; *Epistola ad Notingum Veronensem episcopum de præscientia et præacquisitione Dei*; *Liber ad Ludovicum imperatorem de oblatione secundum Regulam sancti Benedicti*; *Epistola consolatoria ad eumdem*; et *Dialogus de computo*, recens editus in Miscellaneis Baluzianis. Ex his epistola ad Notin-
gum edita ab Sirmondo est; liber vero de Oblatione puerorum habetur manu descriptus in bibliotheca Mellicensi.

46. Ex adverso praeter enumerata a Rudolfo ha-
bentur in illa collectione: *Liber de Grammatica*; *opus de Universo*; *Expositio in cantica quæ ad matutinas laudes per Septimanam dicuntur*; *Allegoriae in sacram Scripturam*; *Liber ad Thiotmarum de sacris Ordinibus*; *Libri tres ad Reginaldum seu Regimbal-
dum de ecclesiastica disciplina*; *Libri tres ad Bonosum abbatem*; *Epistola ad Humbertum Wirtziburgensem episcopum*, quota generatione licetum sit ma-
trimonium; *Liber de anima et virtutibus ad Lotharium regem*; *Libellus de vita Antichristi*; *Martyrologium*; *Poemata*; *Glossæ*; et *de Inventione linguarum*: quæ omnia videntur esse genuina Rabani opera. De Ra-
bani Glossis Teutonicis adi Cesareae bibliothecæ to-
num II.

47. In indice Rudolfi et in dicta collectione desi-
derantur epistolæ quædam a Jacobo Sirmondo vul-
gate Lutetiae Parisiorum anno 1647, nempe *Epistola ad Hincmarum Rhemensem episcopum*, et *alia ad Heberardum comitem*, una cum synodali Rabani epi-
stola jam in conciliis edita, et *epistola ad Notin-
gum Veronensem episcopum*, contra Gotescalcum. Ex quibus epistolæ ad Notingum et ad Heberar-
dum recuse sunt in tomo tertio Italice Sacræ opera Ferdinandi Ughelli, qui Sirmondi editionem non vi-
derat. Denique in dicto indice Rudolfi et in collec-
tione Pamelii desunt epistolæ duæ magni momenti:
una ad *Egiloneum seu Eigilem abbatem Pruniensem*,
quæ excidisse creditur: alia ad *Heribaldum Antis-
siodorensim episcopum*, quæ a Petro Stevartio ex
codice Weingartensi prodit in lucem, recens a Ste-
phano Baluzio recusa post collectionem canonum Reginonis. Item epistolæ duæ ad *Regimbaldum chor-
episcopum Moguntinum*, de quibusdam questinncu-

A lis poenitentie, una ab eodem viro clarissimo edita in Appendix Actorum veterum ad capitularia re-
gum Francorum, ordine viii; altera in tomo VIII Conciliorum editionis Lalbeancæ. De ceteris opus-
culis, quæ Rabano tribuuntur a Trithemio, nihil pronuntiare ausim, sintne Rabani, an non. His om-
nibus addit Browerus Lotharii Augusti epitaphium a Rabano conditum, quod ipse refert in Annalium Trevirensium lib. viii. Ad hæc alii prophetiam de regibus Francorum quæ a nonnullis sancto Augu-
stino ascribitur, etiam Rabano tribuunt; in quibus est Jacobus Alexander Tenneurius in Veritatis vin-
dicatæ cap. ultimo. Si huic propheticæ credimus,
quandiu reges Francorum duraverint, qui Roma-
num imperium tenere debent, Romana dignitas ex
toto non peribit. Id quo titulo ascribatur Rabano,
mihi nondum compertum est. Multo minus id genus
oraculi tribuendum sancto Augustino, in cuius ta-
men Operum appendicem refertur tomo IX.

48. Denique eidem Rabano eruditus vir Petrus Franciscus Chiffletius ascribit librum seu epistolam contra Judæos, quam ipse Divone typis edidit anno 1656 una cum Alcuini Confessione. Verum hanc epistolam non esse Rabani, sed Amoloni Lugdu-
nensis episcopi, diserte probat recentior quidam scriptor in appendice ad Joannis Dalkei dissertatio-
nen de auctore Confessionis jam dictæ. Hujus anonymi argumenta petuntur primo a pertinaci silentio scriptorum omnium qui Rabani opera recensuerunt.
Tum ex eo quod istius epistolæ scriptor ait, se jam episcopum fuisse anno al adventu Domini 846, uno ante Rabani pontificatum, tum ex eo quod quædam duriora contra Judæos superiori tempore se statuisse refert: quod Rabano, qui nullum contra Judæos décretum sancivit, convenire nullatenus po-
test. Præterea quod epistolæ auctor non obscure notet, se, cum adversus Judæos epistolam scribit, decessoris sui sequi vestigia, qui itidem adversus Judæos multa scripsisset, multaque egisset. Otgarium vero Rabani decessorem nihil hujusmodi pa-
trasse in diœcesi Moguntina. Et his quidem argumen-
tis eam epistolam Rabano aljudicat appendix auctor; iisdemque Amoloni Lugdunensi pontifici, ut proprio parenti, vindicandam esse contendit. Siqui-
dem Amolo anno 841 in episcopum ordinatus est,
moxque duriora statuta condidit contra Judæos, quos effreni licentia in Lugdunensi diœcesi se gessisse ex Agobardo discimus, qui quidem Agobardus, Amoloni decessor, scripta edidit adversus eosdem Judæos, ex quibus auctor epistolæ controversæ multa transferit in sua. Verum (quod omnibus con-
jecturis præferendum putat) ex Frodoardo Rhemensi presbytero in Historiæ lib. iii, cap. 21, Amolonem aduersus Judæos epistolam encyclicam scripsisse colligit, ubi Hincmarus scripsisse dicitur: Amolo Lugdunensi, de placito quod habuerat cum rege re-
gnique primoribus, et de Judæorum in hoc regno statu. At, si quid video, nihil in his verbis de en-
cyclicla Amoloni epistola: quanquam valet is lo-

cus ad probandum id, quod mox præmissum est, nimur Amolonem statuta edidisse adversus Judeos. Præferendum itaque est ultimum ejusdem auctoris argumentum ex Joanne Trithemio in lib. de Scriptoribus ecclesiasticis, ubi Trithemius ait se legisse Hamuli episcopi Lugdunensis opus insigne ad Carolum contra Judeos, cuius exordium est ab his verbis, *Detestanda Judeorum*, etc., quod ipsum est Chiffletianæ epistolæ principium. Viderat ergo Trithemius aliquem vetustum codicem hanc epistolam sub Amoloni nomine præferentem: viderit alium Chiffletius sub nomine Rabani. At quæ superius allata sunt, potiores Joanni Trithemio partes asserunt.

49. Ordo temporis, quo singula Rabani opera condita sunt ab auctore, sic distinguendus videatur.

Anno ætatis suæ 30 absolvit libros duos de Laudibus sanctæ Crucis, quos rogatu Alcuini præceptoris sui inchoavit: eosque primum sancto Martino Turonensi episcopo, in cuius monasterio litteris operam dederat, nuncupavit per Alcuinum, in cuius persona carmen nuncupatorum lusit. Eosdem libros postea dedicavit Ludovico Augusto; tum Gregorio papæ quarto: tametsi non ei, sed Sergio ejus successori redditi sunt anno 844 per Ascrichum et Ruodpertum Fuldenses monachos; dein Heberardo Italique comiti qui prædictos libros per Ascrichum et Ruodpertum Roma revertentes efflagitaverat, ut patet ex Rabani epistola ad eum scripta; ac demum monachis cœnobii Dionysiani in agro Parisiensi. Alcuinum Rabano scribendi hos libros auctorem fuisse apparet ex Alcuini epistola 55 *benedictio sancti Benedicti pueri Mauro* (id Rabani alterum nomen) inscripta, in editis mendose ad *Benedictum*, ubi hæc verba: « Libellum quem me rogante scribi prouisisti, rogo ut tua faciat promissio firma, et mea impiatuit lætitia; » et in fine: « Valeas feliciter cum pueris tuis. » Qua ex epistola colligebam Alcuinam prætervectum esse annum Christi 804, sed postea in Appendix superioris tomi correi, quod in elogio Alcuini asserueram. In ejus persona Rabanus sancto Martino cecinit horum librorum carmen dicatorium, in quo ætatem suam exprimit his verbis.

*Ast ubi sex lustra implevit, jam scribere tentans,
Ad Christi laudem hunc condidit arte librum.*

Convenit hoc tempus cum anno fere 806, siquidem Rabano diaconatus, quem anno Christi 801 suscepit, anno ætatis 25 collatus est. Idem opus post aliquot annos Ludovico Augusto nuncupavit, apposita initio imperatoris effigie. Id præstitum aliquanto tempore post primam hujuscce operis editionem, colligo ex his Rabani verbis: « Nam libellum quem in honorem sanctæ Crucis dudum prosa, metroque composui, nunc tuæ serenitati supplex offero. » Eosdem libros postea, rogatu, ut puto, Hilduni abbatis, cui Commentarios Regum dedicavit, etiam monachis Dionysianis misit, commendavitque hoc carmine.

A ne, quod in editis non exstat, cui præmittitur hæc inscriptio: *Dilectissimis in Christo fratribus in cœnobio sancti Dionysii martyris constitutis, Rabanus vilissimus servorum Dei aeternam in Domino optat salutem.*

Martyribus sanctis placuit mihi mittere donum,
Tempore quod prisca versibus edideram.
Nam crucis ad laudem Christi prosaque, metroque
Confeci librum mente, manuque sanguini.
Quem post Augusto Ludovico offerre placebat,
Sedi et apostolicæ mittere post libuit.
Quod verba et sensum facundia rite probaret,
Urbis Rouanæ dogma et apostolicum.
Et quia cum sociis sanctus Dionysius clime
Inde est hic misus, ipsius opus ei dederam.
Quod, fratres sancti, accipiat posco libenter,
Pro artifice ac vili fundite, queso, preces.
Ut Deus omnipotens, cunctorum conditor alius,
Defici veniam det plus ipse suo.
Protegat i laesum, totum et conservet in ævum,
Ut cum sine bono hinc scandat ad alta poli.
Christus vos salvet, Christus conservet ubique,
Semper in æternum, ut opio, valete bene.

Anno 819 Rabanus jam presbyter libros de *Institutione clericorum* obtulit Haistulfo archiepiscopo Manguintino, anno quo facta est ecclesia Fuldensis dedicatio, ut constat ex carmine dictis libris præfixo, quod inter poemata Rabani editum est.

Abbas factus anno 822, *Commentarios in Matthæum* et *Homilias* quasdam dedicavit eidem Haistulfo, qui obiit anno 826.

Anno circa 830 *Explanationem in Octateuchum* submisit Freculfo Lexoviensi in Gallia episcopo, qui eam ab ipso litteris et precibus obtinuit.

Anno 834 scripsit Ludovico Augusto *Consolatorium epistolam*, post calamitatem quæ ei accidit ex parte filiorum suorum; postea *Collectarium ex sententiis dirinorum librorum*, de reverentia filiorum erga patres, et subditorum erga reges: quod a V. C. Stephano Baluzio nuper editum esse dixi.

Eodem fere tempore *Librum Josue* exposuit et rogatu Friderici episcopi Trajectensis ad Rhenum, anno 834 occisi, præmissa epistola dedicatoria, cuius fragmentum retulit Henschenius, acceptum a Petro Francisco Chiffletio societatis Jesu presbytero eruditio, a quo eam accepit noster Acnerius, cum ipso Commentario in tres libros distincto, qui in editis non exstat.

D Paulo post, Humberto Wirtziburgensi episcopo rogante, explanavit *Libros Judicum et Ruth*; tum *Libros Regum* petente Hilduno abbe: quam expositionem Ludovico Augusto Fuldae obtulit; nec ita longe post Ludovico regi transmisit commentationes in *libros Paralipomenon*.

Circiter annum 836 Judithæ Augustæ, postquam et hostes suos non parva ex parte vicerat, dicavit scriptiōnem suam in libros Judith et Esther, cuius prefatio neccum typis vulgata, quam beneficio ejusdem doctissimi viri Petri Francisci Chiffletii accepimus, hic reddenda est ex codicibus Benigniano et Fontanensi. (*Hanc præstationem vide Operum Rabani Mauri nostræ editionis tomo III.*)

Postea explanationem in *Libros Machabæorum* Geroldo Archidiacono palatii Ludovici imperatoris nun-

cupavit ante annum 840, tum *Expositionem in Sapientiam et Ecclesiasticum* Olgario Maguntino pontifici; et *Epistolam ad Notingum* Veronensem episcopum ante mortem Ludovici imperatoris scripsit.

Post annum 840, mortuo Ludovico Augusto, *Libros in Hieremiam* obtulit Lothario imperatori: quos Hartmotus decanus Sancti-Gallensis scribi curavit, referente Ratpero in cap. 9.

Anno 842 ineunte *Collectarium in Epistolas Pauli* transmisit Lupo, post abbati Ferrarensi, qui nuper ex schola Fuldensi in Galliam redierat, ex dictis: quo fere tempore *Commentaria in Ezechielem* Lothario Augusto inscrispsit; et Olgario archiepiscopo *Librum pœnitentiale*, in cuius capite 15 meminit pugnae Fontaneticæ, quæ inter filios Ludovici Augusti commissa est anno 841. Ad idem etiam tempus revocanda est *Epistola de Chorepiscopis* ad Drogonem Mettensem episcopum, item epistola ad Regimbaldum chorepiscopum Moguntinum de quibusdam quæstiunculis pœnitentia.

Eodem etiam tempore explicavit *Librum Danielis* prophetæ, rogantibus amicis, suamque hac de re lucubrationem postea inscrispsit Ludovico Germaniæ regi: cui item *Expositionem in Cantica*, quæ ad matutinas per septimanam leguntur, nuncupavit.

Anno circa 844, tempore scilicet vacationis a regimine abbatiali, *Libros XII de Universo* condidit in gratiam Hemmonis episcopi Halberstiensis, quod opus itidem Ludovico regi petenti submisit cum epistola etiam nunc ei præfixa.

Anno 847 scripsit archiepiscopus *Epistolam ad Heberardum comitem contra Gotescalcum*, quæ in editione Ughelli data dicitur x Kal. Maii.

Item eodem anno 847 concilii Moguntiacensis canones Ludovico regi data epistola obtulit.

Anno sequenti habita synodo contra Gotescalcum scripsit de eo epistola ad Hincmarum Rhemensem episcopum, cui Gotescalcum remisit: et post aliquot annos aliam eidem de eodem typis a Sirmondo vulgariter direxit. Ad hunc etiam annum, quo Ludovicus rex Mogontiaci placitum habuisse perhibetur in Annalibus Fuldensibus, revocandam existimo Rabani epistola ad Regimbaldum chorepiscopum de pœnitentialibus factis, in nova Conciliorum editione tomo VIII editam, in qua responsi sui moras excusat ex eo quod ad Ludovici regis susceptionem fuisset occupatus.

Denique post annum 853 scripsit *Epistolam a Egilum abbatem Prumieusem*: cuius epistolæ mentionem facit in epistola post ab eo missa ad Heribaldum episcopum Antissiodorensem. Notitiam temporis, quo utraque hæc epistola scripta est, debemus diligenter eruditissimi viri Stephani Baluzii, qui eam secundis typis vulgariter cum accurata hac de re prælatione: ubi observavit Egilum seu Eigilem, ad quem jam abbatem Prumiensem prior ex his duabus epistolis scripta est, hanc dignitatem iniisse anno 853, nisi etiam in ejus Elogio demonstrabo inferius. Porro in posteriori ad Heribaldum, quæ a Reginone, Ivone

A et Gratiano in collectionibus canonum citatur sub nomine epistolæ Rabani, mentio fit epistolæ ad Egilonem abbatem, ac proinde epistola ad Heribaldum, qui *Liber pœnitentialis* apud Stevartium inscribitur, aliquanto tempore post aliam ad Eigilem scripta est, ac fortasse postrema operum Rabani, quæ quidem habemus. Adamus Bremensis canonicus in Historiæ ecclesiastice cap. 22 mentionem facit *capituli Rabani de fama Ebonis ambigua*. Quod capitulum postremum exstat in epistola ad Heribaldum. Hæc sunt quæ de Rabani scriptis observare potui, alia aliorum diligentia permitto.

50. Superest ut examinemus hoc loco nonnulla quæ in Rabani scriptis animadversione digna nonnullis fortasse videantur. Unum est, quod in epistola B seu libro pœnitentiali ad Heribaldum, Eucharistiam secessui obnoxiam subobscure dicat, negetque in eo sacramento contineri idem Christi corpus quod natum est de Maria virgine: quod postremum diserte asseruit in epistola ad Egilonem abbatem. Verum quodcumque illud utrumque est, Rabanum ab omni errore hac in re immunem fuisse contendunt viri eruditæ qui de Eucharistia tractavere.

51. Alius etiam locus est apud Rabanum in lib. iv de Universo, cap. 10, in quem forsitan itidem animadvertis possit, ubi ait: « Nullum catechumenum, quamvis in bonis operibus defunctum, vitam æternam habere credamus, excepto martyrio, ubi tota baptissimi sacramenta compleuntur. » Eamdem sententiam habet Chisletiana Confessio Alcuini, a quo præceptore haud scio an Rabanus hanc doctrinam accepterat. Huic obstat Augustinus lib. Quæstionum in Leviticum, cap. 84, ubi « invisibilem sanctificationem quibusdam adfuisse atque profuisse sine visibiliis sacramentis » probat exemplo Cornelii et aliorum. Et lib. iv de Baptismo contra Donatistas, postquam multa hac de re disseruit, cap. 22 sic concludit: « Tunc impletur invisibiliter baptismus, cum mysterium baptismi non contemptus religionis, sed articulus necessitatis excludit. » Consentit Ambrosius in concione funebri de obitu Valentiniani junioris, ubi non dubitanter asserit ipsum, etsi ante susceptum baptismum decesserit, accepisse gratiam, quam poposcerat atque desideraverat. Hinc præclare de eo scribit in hunc modum: « Qui habuit spiritum tuum, quomodo non accepit gratiam tuam? aut si, quia solemniter non sunt celebrata mysteria, hoc movet: ergo nec martyres, si catechumeni fuerint, coronentur: non enim coronantur, si non initiantur. Quod si suo abluntur sanguine, et hunc sua pietas abluit et voluntas. » Itaque ex Ambrosii et Augustini sententia, non solis catechumenis martyrio affectis ad salutem prodest voluntas suscipiendi baptismi, sed etiam iis qui hujus sacramenti gratiam sincero ac ferventi animo poposcerunt ac desiderarunt; nec ab eo suscipiendo revocati sunt ex negligencia, sed ex dispensatione divina. Item valide ac diserte propugnavit sanctus Bernardus in epistola 77 seu tractatu ad Hugonem de Sancto Victore, adductis Augustini

D

et Ambrosii testimoniis aduersus quemdam secus A sentientem. At oppositum invenio apud Augustinum ipsum in sermone 20 de Verbis Apostoli, cap. 6, ubi expendens, « quare » duobus catechumenis, uno probo, altero improbo, « iste adductus est a gubernatione Dei, ut baptizaretur : ille autem, cum bene catechumenus vixerit, subita ruina mortuus est, et ad baptismum non pervenit ; » hoc unum respondet : « Quære merita, non invenies, nisi poenam ; quære gratiam, o altitudo divitiarum. » Hinc apparet Augustinum sensisse hoc loco, bono illi catechumeno, quod ad baptismi gratiam non pervenit, deputari ad poenam, nec bonos mores ad salutem profuisse. Quod unum Rabanus et Alcuinus fortasse docuerint, tametsi cum Ambrosio et Augustino alio in loco ad miserint, bonis catechumenis, qui magna ac perfecta charitate baptismi gratiam desideraverint, non obesse quod rapti sint ante suscepta mysteria : secus si re-

A missa, quamvis bonis operibus prædicti fuerint. Quantum omnes universim catechumenos sine redempzione baptismi defunctos, sacra oblatione et Ecclesiæ suffragiis privat concilium Bracarense secundum cap. 17.

52. Denique nonnulli vitio vertunt Rabano quod Gotescalcum ejusque doctrinam damnaverit. At ex opposito sunt qui Rabani factum hac in parte probent. Sane ipsum recte sensisse de prædestinatione constat ex ejus epistolis superius laudatis : atque etiamsi Gotescalci sententiam itidem rectam fuisse concedamus, non immerito tamen repressus a Rabano est : tum quia prædicationis officium in ejus provincia temere usurpavit, tum quia nimis quam pertinaciter vocabulo prædestinationis in sequiorum partem abuti credebatur cum populi offensa, quo in sensu hæc vox rarius a Patribus sumitur.

B. RABANI MAURI VITA AUCTORE RUDOLFO SCHOLASTICO EJUS DISCIPULO

(Apud Mabill., Aonal. SS. ord. S. Bened., sec. iv parte ii.)

OBSERVATIONES PRÆVIAE.

Librum de gestis RABANI, seu *HRabani*, alio nomine MAURI, monachi primum, dein abbatis Fuldensis, ac denum archiepiscopi Moguntini, scriptis Rudolfus, seu *HRudolfus*, Rodulfusve, Fuldensis monachus, ipsius Rabani discipulus, is qui sanctæ Liobæ abbatissæ Bischosheimeusis Vitam in litteras retulit, editam in saeculi tertii parte secunda, ubi plura de Rudolfo diximus. Dubium est an *HRudolfus* scholasticus et cancellarius, qui Ratgario abbate quasdam litteras donationum pro monasterio suo exaravit anno primo Ludovici Augusti, apud Pistorium pag. 524, idem sit cum Rudolfo isto : an vero Rudolphi subdiaconus, qui alias postea scriptis anno ejusdem Augusti octavo, pag. 530, et anno decimo, pag. 534, 535. Certe cum Rudolphi istius Vitæ conditor fuerit Rabani discipulus, eum Ratgarii abbatis tempore, quo Rabanus Fuldas litteras docebat, jam cancellarium et scholasticum dictum fuisse non puto. Veri similis est, ipsummet esse Rudolphi subdiaconum, qui anno Ludovici octavo chartam condidit vice *Althuringi presbyteri* : ac proinde nondum cancellarius. Presbyter deinde scholis præfectorus est post Rabanum, quem suum ipsius præceptor vocat in prologis Vitæ subiecte et sanctæ Liobæ, cuius Vitam aggressus est imperio venerandi Patris, ut ipse ait, ac præceptoris mei *HRabani*. Eum oratorem, confessoremque suum, ac scholarum Fuldensium præfectorum appellat Ludovicus Germanicus rex in charta donationis, cuius fragmentum refert Browerus in cap. 14 libri in *Antiquitatibus Fuldensiis*. Sane Ermenicus levita, Elewangensis monachus, Vitam sancti Soli nuncupat omni in arte celeberrimo domino Rudolfo meo didascalico, a quo bonitatem ac doctrinam se in annis juvenilibus prælibasse fatetur. Rabani Vitam integrum an absolverit Rudolphi, incertum ; nusquam enim integra prodit in lucem : sed deficit in enumeratione Rabani Operum, nulla ejus archiepiscopalis regiminis mentione facta, tum apud Serarium in Historia Moguntina, tum apud Colvernum initio Rabani Operum, tum apud Browerum

D in *Antiquitatibus Fuldensibus*, et Bollandum in Februario suo.

2. Hanc Rudolphi lucubrationem si legit, in justæ Vitæ numero non habuit Joannes Trithemius, qui in prologo Vitæ Rabani, quam tribus libris hortatu Alberti Moguntinensis pontificis digessit anno 1515, hæc habet : « Nec mirum si plura gestorum ejus silentio pertransvi, quippe qui nullum ante me fixum, solidum et sufficientem de hac ipsa materia potui habere scriptorem, sed primus auctor esse sine præcedente compellor. » Et infra : « Plures, fateor, historiarum scriptores varia laudum præconia de hoc beatissimo atque doctissimo viro in suis lucubrationibus passim hinc inde scripserunt : quorum tamen nullus Vitam ejus continuata serie compositus. » Propterea ad eam scribendam impulsus est Trithemius, illaque in tres, ut dixi, libros distinxit : quorum primus est de Rabani vita privata, secundus de ejus regimine abbatiali, tertius de episcopalii. In ea lucubratione Trithemius aliquoties usus est testimonio Meginfridi Fuldensis monachi seculo xii, ex volume *De temporibus gratiae*, hactenus inedito, in quo Rabani sepius meminit. Cæterum etsi Trithemii opus de Rabano spernendum non sit, ut tamen recluderetur, non visum est opere pretium, propter multiplicia errata quæ in eo commisit : maxime cum istud opus extet initio Rabani Operum et in Februario Bollandiano, ubi Godesfridus Heuschenius Rabani Vitam eruditus commentariis illustravit. Nobis proinde sat erit habere libellum Rudolphi, cui historicum Rabani Elogium vice commentarii præmisimus.

3. A sancto Bonifacio Rabanus Moguntiacensis episcopus, vita sanctimonia prædictus, tertius est ex ordine sancti Benedicti, ex quo educti sunt quotquot fere illam sedem tenuerunt post Rabanum ad sæculum usque duodecimum. Ominus tredecim numerabat Paulus Langius, ex ipsius Chronico Citzensi. Non mirum proinde, si tot in illis partibus fuerint Benedictinæ familie monasteria, adeo ut in sola provincia Moguntina, Trithemii tempore superessent centum viginti quatuor abbatiæ nostri ordinis.